

# Neapolitana super expulsiōe, & prætensa ampliatiōe.

127.  
25

- 1 Reu. Pater.** **I**N utroque dubio concedenda videtur noua Audientia, & strictè quoad primum *super expulsiōe* voti compositos fieri confidimus, nedùm quia super hoc graui articulo vnica emanauit decisio, & quidem de directo opposita antiquioribus decisionibus huius Sacri Auditorij emanatis fauore PP. Theatinorum in celebri Ianuen. Priuilegiorum coram Royas, & Corrado, vnde res tantæ molis scrutinio indiget magis maturo; Sed & principalitèr, quia fundamenta illius nullo modo videntur subsistere.
- 2** In compendio firmat decisio, quod cum Patres Sanctorum Apostolorum sese non opposuerint ab initio introductioni Confratrum in paruum Cappellam *Sancta Maria ad Verticellum*, immò passi fuerint, vt iidem ipsorum Institutum spatio 70. annorum exercerent illis suffragari nequeat priuilegium distantiae 140. canarum Sixti Quarti, quia cum tale Indultum sit restrictum ad prohibitionem nouæ admissiōis, & receptionis piorum ceruum, extendi non debeat ad ius expellendi eos, qui sine Priuilegiatorum oppositiōe fuerunt introducti, & admissi, ac per longum tempus tolerati, præferente huiusmodi non contradiciōe, & tolerantia consensum introductioni, & permanentiæ, ac veram, formalemque dicti priuilegij renunciationem.
- 3** Basis tamen huius discursus, quæ tota se habet in dicto Patrum consensu solidam non obtinet firmitatem; Tùm quia ex dicta tolerantia in stricta Iuris censura ortus non fuit prætensus consensus; Tùm quia si insurrexisset, nihilominùs cum idem esset illegitimus, ac inualidus nullum consentientibus ingerere valuit præiudiciũ; Tùm demùm quia vbicunque aliquod produxisset præiudiciũ, hoc sanè ad id tantùm esset restrictum, vt nostri Patres expellere nequeant Confratres à dicta antiqua parua Cappella S. Mariæ, scilicet verò quod eisdem prohibere nequeant meditatam illius ampliatiōem.
- 4** Probatur prima pars assumpti ex receptissima propositione, quod vbi agitur de præiudicio notabili, ac de renunciatione iuris, seu priuilegij certi, & incontrouertibilis simplex taciturnitas, & patientia non sufficit, sed requiritur expressus consensus quantumuis tacens contradicendo præiudiciũ euitare potuisset *l. semper qui non prohibes ff. de regul. iur. gloss. in cap. qui tacet de regul. iur. in 6. Panormitan. in cap. vestra de locat. & in cap. ex parte Decani de rescript. alijque deductis plenissimè tradit videndus Paul. Gallerat. de renunciat. lib. 5. cap. 11. à num. 18. amplians sub num. 44., etiam si patient-*



consensus introductionis Confratrum in dictam Cappellam cum solum limitatum producere valet effectum, quod ipsi ab eadem expelli nequeunt, secus verò, quod illam ampliare valeant eo modo, quo meditantur; nam certum, & indubitatissimum est, patientiam, & tolerantiam Patrum versatam fuisse in permissione ingressus Confratrum, eorundemque permanentie cum exercitio proprii instituti in parua Cappella, vnum tantum Altare habente, vixque 30. personarum capace; Consensus propterea ex dicta patientia exortus nullo modo extendi potest ad aliam nouam Ecclesiam maiorem, & speciosiore nouem exornandam Altaribus in alio nobiliori situ excidaneam; Repugnat enim huiusmodi obtentus omnibus nostri iuris regulis, iuxta quas habemus, quod consensus inductus ex facto coarcentur ad limites ipsius facti, nec ultra extenditur *Crauet. conf. 737. uum. 16. Riminald. iun. conf. 662. num. 45. Cyriac. controu. 204. num. 21.*, & plenè *Manf. consult. 386. num. 19. cum sequen.*, quodque consensus, ac renunciaciones semper intelligi debeant ad terminos status, in quo res erat de illo tempore, ita ut extendi non debeat ad alia diuersa desuper emergentia *l. quod Semius ff. de condit. ob caus. cap. l. cum inter de renunc.*, *Surd. conf. 68. num. 18. & seq. Tiraquell. in l. si unquam in p. ref. num. 266. Ciarlin. controu. 168. num. 20. cum seq. Valenzuel. conf. 17. num. 46. Cappon. contr. 20. num. 29. & 30. Rot. dec. 11. nu. 11. par. 9. rec. & dec. 189. n. 14. par. 13.*, & cum alijs in *dec. 90. n. 11. coram R. P. D. meo Ansaldo.*

- 7 Et in specie seruitutum, quæ, vt supra dixi, fraternizant cum nostro casu certam habemus regulam, quod illius Dominus patiens, ac consentiens, quod obnoxius seruituri passus vnum actum faciat, puta immisionis vnius tigni in parietem, vel aperitionem vnius fenestræ, non idè illi licebit aliud tignum in parietem, immittere, seu aliam nouam fenestram aperire ad *Text. leg. si cum meus proprius paries esset 14. ff. de seruis.* ibi = *si cum meus proprius paries esset, passus sim immittere tigna, quæ antea habueras, si noua velis immittere, prohibere ea potes, immò etiam agere tecum potero, ut ea, quæ noua immiseris, tollas, si paries communis opere abs te facto in ades meas si inclinaueris, potero tecum agere, ius tibi non esse, parietem illum ita se habere*, & ibi *Bald. & Angel.* dicunt, quod patientia in vno non debet in consequentiam trahi in alio, benè *Cepoll. de seruis. cap. 30. column. 2. vers. quaro*, vbi quod si passus sum, quod faceres fenestram, non tamen poteris alium facere; & in eisdem terminis benè tradunt *Grammat. conf. cinil. 164. num. 10.*, ac melius, & latissimè in eisdem terminis *Surd. conf. 387. per tot. & signanter num. 6. Sperell. decis. 56. num. 9. Rot. decis. 375. nu. 26. cor. Card. Celsi.*

- 8 Quæ sanè omnia si procedunt, etiam si nouus actus sub præcedenti

consensu non comprehensus nullum consentienti afferret præiudici-  
cium, vel damnum, prout latè probat. *Surd. disto. conf. 387. n. 11.*  
12. & 13. absque vlla difficultatis vmbra locum sibi vindicare de-  
bent in casu, in quo nouus actus, seu ædificium affert præiudici-  
um, ac damnum, quod non afferrebat permissus; In hisce enim termi-  
nis nemo est, qui dubitet, quin huiusmodi actus fieri nequeat, pro-  
cuius rei comprobatione assero optimum *Textum in leg. quid autem*  
*6. de seruitut.*, in quo statuitur, quod habens seruitutem actiuam  
altius tollendi contra Vicinum patiens, quod iste planctet arbo-  
rem suapte natura opacam in facie illius domus, non dicitur exin-  
dè præstitisse consensum, vt ædificetur murus, cum arbor non  
afferat proptèr eius motus naturales damnum, & præiudici-  
um lami-  
mini, quod affert murus, ita-  
tibi concludat Iuris Consultus, quod  
licet arbor altius extollatur, non præscribitur libertas contra  
seruitutem altius non tollendi, ibi = *quia non ita in suo statu, &*  
*loco moueret arbor, quemadmodum paries proptèr motus naturales ar-*  
*boris, & benè gloss. ibi. verbo naturales, quia arbor est eius natura,*  
*ut facile possit moueri ex vi ventorum, sed paries non, & benè etiam*  
*explicat ibi Bartol. alijque repetentes.*

- 9 Applicando actiua passiuus, cum permissio introductionis Confratrum  
in Cappellam S. Mariz, illorumquè pium exercitium in eadem,  
nullum, seu valdè modicum attulissent damnum, ac præiudici-  
um Patribus SS. Apostolorum, & è conuerso nouum ædificium irre-  
parabilia, & quidem maxima producit damna, ac præiudicia, vt  
sæpèdictum fuit, ex dicti primi actus permissione elici nequit con-  
sensus ad hunc nouum actum, etiamsi cæteroquin esset quodammo-  
dò primo similis, vel consequitius, ad tradita per *Cassens. in leg.*  
*ejf. de seruit. urban. præd. Cepoll. in tit. de urban. præd. cap. 61.*  
*tit. de fenestra col. 2. vers. nunc. videamus.*

- 10 Quæ cum ita sint tollerata receptio huius Confraternitatis in dicta  
antiqua, & per exigua Cappella non potuit fundare fauore Con-  
fratrum ius dilatandi fimbrias vltra cancellos status antiqui, nec  
minùs adimere valuit P. P. Theatinis actio ad eorum fauore oriens  
ex Apostolicis Constitutionibus, eodem modo, prout euenit in  
illa Causa *Ianuen. Priuilegiorum*, nam etiam in eo casu P. D. Ora-  
torij iam reperiebantur introducti in Ecclesiam S. Pancratij, &  
PP. Theatini S. S.iri eos tollerauerant, donec non tentarunt noui-  
tates, statim autem ac fabricam promouerunt sub prætextu am-  
pliationis, illicò actionem pro illorum expulsionem proposuerunt,  
& Causa per plures decisiones, & instantias felicem sortita fuit fi-  
nem, nec Rota in pretio habuit, quod dd. PP. Oratorij reperiren-  
tur introducti; Minùsque distinctionem fecit inter actionem pro-  
hibitiuam, & expulsuam, quia spectato effectu, & siq. priuile-  
giorum habuit pro vna, & eadem re, vt patet ex dec. 327. sub n. 1.  
*cor. Rexas.*

- 11 In seqnelam boni iuris super Primo debita est etiam noua audientia super secundo, quia vnum, & alterum sunt vnum continens indiuisibile, nec ex eo, quod PP. SS. Apostolorum minimè caperint viam adæquatæ defensionis à principio; sed per alias vagauerint, remanet alterata Iustitia Causæ, aut præiudicatum Ius Religionis, quod nequè effectum dicti potest deterius ex ijs, quæ narrantur in contraria decisione, quasi verti velint odio PP. d. particularis Conuocatus, & nihilominus, licet illa non attineant ad punctum Iustitiæ, ex abundanti illis singulis satisfaciennes, dicimus, dd. Patres iustum habuisse motium experiendi ius prælationis super Palatio empto per Confraternitatem Aduersariam à Marchione Brientis, cui ipsi illud vendiderunt sub tali reservatione, vt ex verbis eiusdem Instrumenti ibi = *Et expressè insuper fuit Conuentum, quod in casu cuiuslibet alienationis domus prædictæ quandocumque fieret, semper dicta Ecclesia præferatur quibuscumque personis, & locis in alienatione prædicta pro eodem pretio ex conuentione sic habita, & si secus fieret, & procederetur ad aliquam alienationem, eo casu talis alienatio sit nulla, & inualida, ac si facta non esset, & ad maiorem cautelam dicta Marchionissa pro obseruantia supradictæ conuentionis, & promissionis in specie obligauit, & hipothecauit domum prædictam supradictæ Ecclesie;* Adcoit à Iudice primæ Instantiæ, nimirum D. Auditore Gentilono fauorabilem desuper sententiam reportauerint.
- 12 Nequè reputarunt delictum, Implorato primo loco brachio Nuntiaturæ Apostolicæ, quæ ob pendentiam litis in hoc Sac. Tribunali noluit apponere manus, prouisionalitèr ad impediendam improbitam demolitionem partis exiguæ d. Palatij recurrere ad laicos, donec valuissent venire ad Sacram Rotam, quia talis recursus sub ista expressa protestatione non fuit illicitus.
- 13 Rursus proprium ius non amiserunt in meritis, si ipsi ad purgandum abs. recursum eis impictum in linea attentatorum, declararunt non præstitisse, neque præstare impedimentum demolitioni d. Palatij, fuit enim declaratio ordinata ad sese expurgandos à crimine, quod non somniarunt, non autem ad augendum ius Partis in linea Iustitiæ, quæ si iure non poterat destruere, vt nouam Ecclesiam eleuaret, sibi impurer, aut in omnem priorem casum erit actio separatim, & prout de iure exaduersò intentanda pro abs. damnis.
- 14 Quod Principissa Tarsis, vt potè Patrona Ecclesiæ SS. Apostolorum voluerit experiri ius prælationis reservatum Ecclesiæ ipsi; vt ex verbis Instrumenti supra relatis, quodque Marchio Brientis recursum habuerit ad Sac. Conf. Neap. pro inualidanda venditione Palatij tamquam obnoxij fideicommissio suorum Maiorum, frustra exaduersò baptizantur pro recursibus factis ab eisdem PP. ad Iudices laicos, quia fuerunt legales prætensiones à dd. Personis in

Iudicio propositæ; & demum, quod iidem PP. apud Datariam curauerint habere vnionem subiectiuam Cappellæ S. Mariæ ad Verticellum, & non potuerint obtinere, cuenit, ex quo Eius Prodatarius noluit præiudicare liti pendenti, nec proinde id augeat, aut diminuit iura Partium in ea.

- 15 Reliqua autem omnia, quæ subduntur in comprobationem Iustitiæ abs. rei iudicatæ concidunt ex deductis super primo Dubio; nihil enim valutandæ sunt renunciaciones per eosdem PP. emissæ, tum quia sunt famulatoriæ liti tunc pendenti super simplici ampliacione, & sic non possunt egredi terminos illius, ita ut extendi valeant ad aliam nouam, & distinctam litem pro parte Religionis introductam, quæ absorbet, & suffocat primam; Tum etiam quia, quatenus inuoluere possent abdicationem Iuris priuilegiarij, quod non erat, nec dici poterat illius Conuentus particularis, sed totius Ordinis *ex firmatis supra §. 5.*, & vltra ibi adductos *Rot. decis. 327. num. 9. coram Roxas*, vbi id firmat verum, etiam si priuilegium concessum fuisset particulari Conuentui, tali casu Iure non tenuissent, nec teneat, vt in indiuiduo, tractato articulo ex professo, & cæteris allegatis concordantibus optimis medijs probat *Passerin. in cap. fin. num. 11. & 12. de pactis in 6.*, & rursus in *tractat. de statu homin. tom. 2. quest. 187. artic. 4. num. 690. cum seqq. fol. mibi 379.* quibus in locis confutatur contraria.

- 16 Idem extraneum est à casu axioma, quod vnicuique licita sit ædificatio in proprio solo, cessante æmulatione; Præter quod enim in præsentem æmulatio est clara, quia si Confraternitas intendit ampliare, vt maior sit numerus Missarum dictim celebrandarum, vltra propriam eius Ecclesiam S. Maria de Planctu, quam habet propè, & extram mœnia Ciuitatis, quare noluit recipere alteram, intrus Ciuitatem ipsam valde capacem, & decoram S. Nicolai alli Caserti per nostros PP. illi procuratam sine aliquo eorum dispendio, vt in *præterito nostro Summario num. 6.*, quod facere poterat, nedum sine aliquo eius nocumento, & cum beneficio huius Partis id, quod per consequens obligata erat, & est de iure facere *Rota dicta decis. 327. num. 12. coram Roxas*, sed etiam cum maiori vtilitate eius pij Instituti, quia pecuniæ conuertendæ in saxa, meliori consilio erogarentur in eleemosynas Missarum, & suffragia erunt maiora pro Sanctis Animabus purgantibus.

- 17 Non verificatur ædificatio in proprio solo Confraternitatis, nam Cappella est propria Reçtoris illius, & non Confratrum, qui licet in concessione vsus eiusdem reportauerint facultatem fabricandi non in mutato titulo Ecclesiæ, & quamuis etiam respectu præiudicij, seu interesse eiusdem Reçtoris posset per impossibile præsumi huic concessioni accessisse beneplacitum Apostolicum, prout certissimè non accessit ex vniuersis demonstrationibus illud excludentibus deductis in Informatione Facti data in die decisionis

nīs à §. 17. ad 21., adhuc etiā si Rector millies talem contulisset facultatem, numquam præsumendum foret, quod Papa illam approbasset in ordine ad præiudiciū Ecclesiæ SS. Apostolorum, quia numquam approbatio concessionis intelligeretur cum derogatione iuris Tertij, maximè quia in hoc signato casu fabricæ huiusmodi fuit obseruata, & prima vice, qua voluerunt eam ponere in vſu, nata fuit præſens acerrima lis, & contradictio pro parte Patrum, qui ægrè tulerunt, ægrè ſubſtinent, & ægrè ſemper ferent, quod vulneretur eius priuilegia, quorum medio vitæ ſubſidia conſequentur, vt dixit *Rota deciſ. 356. num. 10. & ſeq. coram Roxas.*

18 Atque hinc patet quam magna ſit differentia inter caſum, quo Rector proprijs ſumptibus illam ampliaret, vel aliquis Benefactor talem faceret ampliationem, & caſum noſtrum, in quo iſte Cætuſ exercens huiusmodi ſpecioſum Inſtitutum, tentat parua Cappelam erigere in magnum Templum, vt in eodem ſuas exerceat functiones, quoniam in his terminis immutatio materialis ſecum fert immutationem formalis; nam aliud eſt adeſſe iſtum Cætuſ cum anguſtiſſima Cappella, quæ non poterat præiudicare vicinæ Eccleſiæ, aliud verd eundem Cætuſ addeſſe cum vaſti, & magnifica Eccleſia, quæ afferret ſenſibiliffima præiudicia, vnde iſto præciſo caſu verificabitur ſinis Sixting, & actio prohibitiua, quæ in ſtatu, & terminis antiquis ſtabat conſopita ex ceſſantia rationis præiudicij, meritò debet reſurgere à ſomno, & obicem facere Conſatribus, ne in nouam hanc Eccleſiam ſeſe introſueant, & ſi in illam ſe ſe introducere non poſſunt, neque de conſequenti valebunt ad fabricam eiufdem procedere, vt de ſe eſt clarum.

19 Patet quoque eſſe inapplicabiles regulas ſimplicis ampliationis, cum quibus procedit contraria deciſio, quia relatiuè ad PP. numquam iſti Conſratres habendi ſunt pro legitimè introductis ad omnes effectus etiā ampliandi, variandi, & immutandi ſiſtema antiquum, ex deducis ſuper primo dubio; nam de ſtatu non præiudiciali, ad quem ad ſummum poteſt trahi conſenſus eorum de n PP. deſumptus ex eorum tollerantia, transferretur ad ſtatum poſitiuè, & valdè præiudicialem, idèdque *ad rem effectualitèr nouam*, & in qua reſidet tota vis actionis prohibitiuæ, vnde ſubintrat conſuſio, quod non idem de omni ampliatione eſt iudicandum, ſed reſpiciendum ad præiudicia, quæ producit, ſi enim noua ſuboriantur non eſt permittenda ampliatio, reſurgente ratione motiua priuilegiorum, vt tradunt *Lezzan. oper. moral. tom. 2. verb. Monasteria ſub n. 33. de Franch. contr. inter Episc. & Regul. n. 410. & 413.*, quæ noua præiudiciorum natiuitas, nullo proſectò in caſu melius, quam in iſto, verificatur, quia res à non ente tranſit ad ens, & idèd locum facit exercitio actionis, quæ à principio non competiſſet, ex quo non aderat præiudiciū, nec timeri poterant emulatio- nes, ſuper quibus motiuis ſunt fundata priuilegia.

Nec

20 Nec est, quod tantum exaduersò exageretur, quod extractio huius  
 noui Templi sit res tendens ad augmentum Cultus Diuini, & plau-  
 sibilis, quoniam licet bonum sit plura adesse Tempia Deo Sacra,  
 & multiplicari Operarios in Vinea Domini laborantes, attamen  
 circumspècta Summorum Pontificum prouidentia, vt omnes in  
 vinculo Charitatis Deo non famularentur, & alij alijs non subtra-  
 herent necessaria vitæ subsidia, emulationesque tollerentur, cer-  
 tum ordinem, & distantiam præscribere necessarium putarunt, si-  
 milesque sanctiones reuocandæ sunt fauorabiles, & non odiosæ,  
 attento fine, quo emanarunt, vt latissimè probat *Pignastell. con-  
 sult. 177. num. 32. & futurum. 44. tom. 1.*, ideoque si generica reflexio  
 augmenti Cultus Diuini, non seruata dicta distantia, locum  
 habere posset, probaret nimis, & sic nihil, quia destrueret fun-  
 ditus Apostolica Priuilegia;

Quare &c.

Petrus Constantius Aduoc.  
 Philippus Boschettus.

---

R. P. D.

C R I S P O

*Neapolitana super expulsione, &  
 prætensa Ampliatione.*

P R O

Ven. Religione Clericorum Regula-  
 rium Theatinorum:

C O N T R A

V. Societatem vulgò nuncupatam  
 delle Sportelle Neapolis.

~~~~~G.~~~~~

*Restriçtus Facti, & Iuris pro no-  
 ua Audientia.*

— Typis De Comitibus 1716 —